

# XILALELO

 Hungu leri ri hakasaka leri Makwerhu Pearry a hi nyikeke rona leri ri humaka eka Rito ra Xikwembu. Swi ntiyiso njhansi leswaku "Hi pimela Xikwembu na ku xi vekela nkarhi Xikwembu; nakona hi lexi Xi nga riki na Makumu, hi ngaka hi nga swi endli sweswo." Swingaleswi vusiku lebyi hi kongomane na swin'wana sweswi, i xilalelo.

<sup>2</sup> Malembe manharhu ndzi rindzerile kereke leswaku yi ta eTucson, kambe yi kona kwala. Ina, hi—hi kona kwala. Swingaleswi hi khensa Hosi, ntsena Yi lo hi pfumelela leswaku hi rindzela kufikela laha hi swi amukelaka sweswi.

<sup>3</sup> Sweswi, kuna nchumu wun'we lowu ndzi lavaka ku wu vula loko hi nga se sungula xilalelo, hi leswi, leswaku ndza pfumela leswaku hi vonile swo ringanelo esikwini ra hina leri hi hanyaka eka rona, leri hi fanelelaka ku nyika hakunene (hinkwaswo) hinkwaswo swa hina eka Xikwembu. Hakunene hi—hi fanele ku tirthela Xikwembu. Ndza pfumela leswaku Xi hi katekisile hi nhlamulo leyi yi kongomaka eka Matsalwa. Tani hilaha Makwerhu Pearry a nga yi nyika eka swinkadyani leswi nga hundza, leswaku hi—hi le—hi le ka nkarhi walowo. A hi mabofu, ha—ha—ha swi vona leswaku hi kona lahawani, hi—hi fikile.

<sup>4</sup> Nakona nakambe hi nga ha languta hinkwako hi vona hi ndlela leyi miehleketo ya ximunhu yi siyaka vanhu hakona. Leswaku, hi—hi ngaka hi nga ha tshami nkarhi wo leha, hi tava eka ndhawu leyi ku hlayisiwaka lavo penga hi ku hetiseka, misava hinkwayo yi tava tano. Wa vona? Swingaleswi hi—hi le nkarhini wa makumu.

<sup>5</sup> Sweswi, tani hilaha Makwerhu Pearry a heteleleke lahaya, hi ku vona swilo leswi leswaku swi ntiyiso, ma swi vona leswaku swi ntiyiso, a hi mintsheketo. A swo va swin'wana leswi hi nga swi anakanya. Hi swin'wana leswi swi nga kongomisiwa swi nyikiwa eka hina hi Rito ra Xikwembu ri tlhela ri vonakala erivaleni emahlweni ka hina, leswaku ha switiva leswaku hi kona kwala. A hi—hi switiva leswaku kufikela rini sweswi, hikuva nakambe hi vuyela endzhaku eka xikomba nkarhi, ma swi vona, i nkarhi muni. Kambe hi... ha switiva hi—hi kona lahawani, hi le ka wona nkarhi walowo. Hambi i nkarhi wa Xikwembu, ndzi nga ha swi anakanya...

<sup>6</sup> Un'wana u nyikile ku hlela nyana nkarhi wun'wana laha a nge teri loko Xikwembu xi nga n'wi kondzelela hi kuya... loko a kuri ku Xi ta longoloxa nkarhi, gidi rin'we—rin'we ra malembe ri kotisa siku rin'we ntsena. Swingaleswi loko munhu a nga hanya makume nkombo wa malembe hi vukhale, ya tava ya ri timinetse

tintsongo ta nkarhi wa Xikwembu. Wa vona? Kunene, a ku ya tava ya ri makume mune wa malembe, ya lawa ya tava ya nga vuli hambi kuri nkarhi, hi ku tika, Xi nga ha copeta tihlo ra Xona. Wa vona? Wa vona, ntsena hi ku hatlisa tani hilaha sweswo swi nga hakona, nchumu hinkwawo, loko hi kuri ku tava kuri nkarhi lowu wu nga longoloxiwa; laha, Xi nga ha riki na nkarhi wun'wana. Swingaleswi ntsena Xova lexi nga Heriki.

<sup>7</sup> Ndzi pfumela leswaku a kuri Sarah endzhaku lahaya... kumbe, ee, Joseph, vusiku byin'wana, u teri eka mina na Makwerhu Pearry. U teri, "Papa, hi kwihi, hi rini laha Xikwembu xi nga ta xi vonakala? Xana a Xi ta xi huma kwihi?" Wa vona? "Xi fanele kuva na masungulo, a Xi tano xana? Xana a Xi nga fanelanga xi va na masungulo xana?"

<sup>8</sup> Ndzi ku, "Ee. Xin'wana na xin'wana lexi xi nga na masungulo xi na makumu, kambe hi lexi xi pfumalaka masungulo xi nga riki na makumu." Hakunene, u na khume ra malembe hi vukhale, walowo a wuri muxaka wa—wa kuva na nomo ngopfu eka yena. Wa vona? Nakona a nga swi amukela njhani sweswo, hi ku tiva leswaku xin'wana a xi kalanga xi va na masungulo? A swi le ka yena ntsena, na le ka mina swi kona. Sweswi, wa vona, swi va swi tele ngopfu hilaha kukulu eka mina, hilaha xi nga vangangiki na masungulo.

<sup>9</sup> Sweswi hi tilulamisela ku lemuka swin'wana lahwani leswi swi katekeke swinene.

<sup>10</sup> Ndzi vitaniwile eka masiku mantsongo lawa ya nga hundza, kuya eka njhingha yin'wana ya kahle ya Mukreste wa kahle loyi—loyi o ka a nga vangi na swona leswi, nakona u swi twisisile leswaku hi tekile xilalelo xidzi. Va xi teka tani hiloko va xivitana "xilalelo xa ximoya." Nakona laha, tani hilaha *xilalelo* xi nga hakona, ndzi ta ku hi swona, hikuva ku *vulavurisana* i kuva "u vulavula na un'wana," wa vona. Nakona boti u ndzi nyikile Matsalwa lawa, a ku, "Makwerhu Branham, a wu swi ehleketi sweswi..."

<sup>11</sup> Sweswi, xivangelo xa kuva ndzi vula leswi...Xi kahle, Makwerhu Pearry? [Makwerhu Pearry Green a hlamlula, "Hakunene."—Muhleri.] Wa vona, hi xona xivangelo xa kuva ndzi vula leswi, leswaku u nga ha kota ku twisia leswi u swi endlaka. A wu fanelanga...loko u nga famba u nghena eka swin'wana hi ku ka u nga voni, a wu switivi leswaku hi kwihi, leswi u swi endlaka. A wu ngevi hambi kuri ku tintshembha loko u nga switivi leswi u swi endlaka. Kambe u boheka ku twisia leswi u swi endlaka na leswaku hikokwalaho ka yini u swi endla.

<sup>12</sup> U teri, "Sweswi loko hi teka Rito ra Xikwembu, xana a hi xona Xikwembu lexi hi xi tekaka xana?"

<sup>13</sup> Ndzi ku, "Hi swona hakunene, nkulukumba, i ntiyiso. Kambe ha hlaya lahwani leswaku hakunene...Paul u

dyondzisile hi ku teka xilalelo xidzi xa Hosi. ‘Leswi mi swi endla eku Ndzi tsundzukeni,’ ku vule Yesu. ‘Tani hi ntolovelu mi xi teka hi ku Ndzi tsundzuka, mi kombisa rifu ra Hosi kufikela laha Yona yi vuyaka.’” Wa vona? Sweswi, hi fanele ku xi teka.

<sup>14</sup> Ha swi twisia leswaku Mukwetsimi Paul, loyi a xi xiximeke eKerekeni, tani hi kuva a ri muprefeta wa Testamente leyi Ntshwa. Petro, Yakob, Yohana, hinkwavo ka vona, va tsarile (hikokwalaho ka yini, Matewu, Marka, Luka) leswi Yesu a nga swi endla, tani hi vatsari. Kambe Paul u vekele swilo ematshan’wini, a ri—a ri muprefeta wa Testamente leyi Ntshwa. Ntsena kukotisa Muxe a yeke emananga ku ya amukela nhlonhlotelo wo tsala e—e Tibuku ta ntlhanu ta—ta... Tibuku to sungula ta nthlanu ta Bibele, kunene, na yena Paul u yile emananga a ya amukela nhlonhlotelo wo huma eka Xikwembu, ku ta tshamisisa Kereke ya Testamente leyi Ntshwa hi ndlela leyinene ni ku Yi fananisa na ya Khale.

<sup>15</sup> Ehansi kona kwalahaya a vari na xinyimpfana xa gandzelo, lexi Israel a ri xi hlayisile leswaku xi va xitsundzuxo. Xi kale xi tirhisiwa nkarihi wun’wana, loko va huma eEgipta. Kambe kwalaho a va hlayisa tani hi xitsundzuxo ku rhelela ehansi hinkwako eka nguva. Kunene, “loko nawu kuva wu vile ndzhuti wa swilo leswi swi taka,” ma swi vona.

<sup>16</sup> Sweswi, ndza pfumela leswaku *xilalelo* (lexi hi xivitanaka “xilalelo,” sweswi) i ku... i “xilalelo xa Hosi.”

<sup>17</sup> Sweswi, hi salele hi swileriso swinharhu swa Matimba ya xinyama: xin’we xa swona i—i xilalelo; ku hlambisana minkondzo; nkhuvulo wa mati. Hi swona swilo swinharhu sweswo. Kwalaho i ku hetiseka, ka leswi swinharhu, wa vona. Nakona sweswo hi swona swileriso swinharhu leswi hi nga na swona. Hi swi lemukile sweswo leswaku i mhaka leyi yi nga nyika hi Mukwetsimi Paul eka Testamente leyi Ntshwa.

<sup>18</sup> Sweswi, loko hi nga vula leswaku “xilalelo ntsena xi fanele xi va ku teka Rito,” a ndzi pfumeli leswaku un’wana a ngava ari na mfanelo yo teka xilalelo xa Hosi kufikela laha a tekaka ri—ri Rito ra Hosi ri va embilwini ya yena. Wa vona? Hikuva ndzi ya... Ndzi ta mi hlayela swin’wana eka xinkadyana xitsongo nakona mi ta swi vona. Sweswi, lemukani. Kutani, hikokwalaho ka yini kwalaho hi—hi nga...

<sup>19</sup> Eka mhaka leyi yi fanaka hi ku hetiseka hi nga ha lulamisa Salvation Army. A va pfumeli eka xivumbeko xihi kumbe xihi xa nkhuvulo wa mati, va ku, “A hi wu lavi.” Sweswi, loko hi nga wu lavi nkhuvulo wa mati, hikokwalaho ka yini hi khuvula? Va ku, “Mati ya ngaka ya nga mi ponisi, Ngati hi yona yi mi ponisaka.”

<sup>20</sup> Ndzi ta yima na swona sweswo. Sweswo—sweswo hi swona, Ngati hi yona yi mi ponisaka, ku ngari mati. Kambe hi *boheka* ku teka mati tani hi nyanyuko wa le handle leswaku ntirho wa

le ndzeni wa tintswalo wu tirhiwile. Wa vona? Swingaleswi hi fanele ku endla tano eka xilalelo!

<sup>21</sup> Loko hi tava hi tekile Hosi, Gandzelo ra hina, eka hina, tani hi mhaka ya ku Tswariwa ka ximoya eka hina, na hi Miri wa Yena, hi hanya ha Yena hi Rito, nakambe hi fanele ku swi kombisa hikuva i nawu. “Hundzukani, un’wana na un’wana wa n’wina mi khuvuriwa eVitweni ra Yesu Kreste eku rivaleriweni ka swidyoho swa n’wina.”

<sup>22</sup> Paul u teri, “Ndzi yi amukerile eka Hosi leyi nakambe ndzi mi tiselaka yona, ‘Leswaku Hosi Yesu hi vusiku byebyo lebyi Yena a nga xengiya hi byona u tekile xinkwa, kutani a xiphema a xi nyika vadyondzisiwa, kutani—kutani a ku, “Tekani mi dya, leswi mi swi endla eku Ndzi tsundzukeni.” Tani hi ntolovelolo loko mi teka xinkwa lexi, mi kombisa rifu ra Yena ku kondza Yena a vuya.”” Sweswi hi kuma leswaku, eka sweswo, va vile na vanhu lava va nga nghena . . .

<sup>23</sup> Boti loyi wo hlawuleka, boti loyi a rhandzekaka, u tile a fika a ku, “A ndzi—a ndzi se tshama ndzi xi teka, Makwerhu Branham, a ndzi xi twisisi leswaku xi njhani.” A ku, “Ndzi dyondzisiwile hi tlhelo lerin’wana.”

<sup>24</sup> Ndzi ku, “Kambe tsundzukani, hi ta swi amukela sweswo leswaku Mukwetsimi Paul u xi vekile hi oda eka Kereke ya Xikreste yo sungula. Va sukile ekerekeni . . . kusuka a ndlwini kuya eka yin’wana yindlu, va phema xinkwa hi mbilu yin’we, na kuya emahlwени. Sweswi,” ndzi ku, “u swi nghenisile eKerekeni. Vagalatiya 1:8, u teri, ‘Loko ntsumi leyi yi humaka etilweni yi fika yi vula swin’wana, a yi ve ndzhukano,’ ma swi vona, wa vona, yaloye a nga endla leswaku va khuvuriwa nakambe kusuka eka nkhuvulo wa Yohana, kuya eka kuva va khuvuriwa hi Vito ra Yesu Kreste.”

<sup>25</sup> Ma swi vona, ku na swilo swinharhu leswi hi bohekaka—swilo swinharhu leswi hi bohekaka ku swi endla tani hi swifaniso: xilalelo xa Hosi, ku hlambisana minkondzo, nkhuvulo wa mati. Wa vona? Ku na . . .

<sup>26</sup> Mi ri, “Kunene, i . . .” Sweswi, Salvation Army yi swi teka kusuka eka mhaka leyi nge, “Khamba leri ri faka, loko ri fa, a ri khuvuriwanga, hambi swi ri tano Yesu u teri u tava eTilweni.” Walowo i ntiyiso hakunene. Sweswo hi swona. Kambe, ma swi vona, ntsena u—u—u lemukile Yesu kwalahaya hi nkarhi lowu ari ekufeni. Wa vona? Walowo a kuri—a kuri nkateko lowu ari na wona ntsena. A—a ri khamba, a ri ekule, a humile. Nakona yena, loko a ha vona Layiti yaleyo, u Ri lemukile a ku, “Hosi, ndzi tsundzuki!” Nakona Yesu . . . Walowo a wu ri ntiyiso.

<sup>27</sup> Kambe eka mina na n’wina lava hi swi tivaka leswaku hi fanele ku khuvuriwa, nakona hi ala ku swi endla, kutani sweswo swi tava swi ri exikarhi ka wena na Xikwembu. Swa fana na le ka xilalelo!

<sup>28</sup> Sweswi, loko hi teka xilalelo lexi, a hi ntsena nchumu lowu wu nge, “Ndzi ta lahawani ku ta ndzi ta dya xinkwa, nakona ndzi ta pfumela leswaku ndzi Mukreste.” Kambe, loko mi nga swilemuka, Bibele yi teri, “Loyi a dyaka ni ku nwa *a nga lulamelanga* u tava na nandzu wa Ngati ya Miri wa Hosi.” Wa vona? Mi ta fanelu ku hanya vutomi lebyi—lebyi . . . emahlweni ka vanhu, leswaku . . . nakona emahlweni ka Xikwembu na vanhu, sweswo swi kombisa leswaku wa—leswaku wa tshembheka.

<sup>29</sup> Sweswi, ku ngari khale ngopfu. Sweswi, eka Testamente ya Khale loko gandzelo ri tava ri endliwile e—e nawu kumbe ku lerisa. Nakona swingaleswi nkhuvulo wa mati i kulerisa; swingaleswi ku hlambisana minkondzo i kulerisa; swingaleswi xilalelo xa Hosi i kulerisa. “Ku katekile loyi a endlaka ku lerisa ka Xona hinkwako, a hlayisa milawu hinkwayo ya Xona, ni ku lerisa hinkwako ka Xona, leswaku u tava na mfanelo yo nghena eka Nsinya wa Vutomi.”

<sup>30</sup> Sweswi, lemukani leswi sweswi, leswi swi nga eka kusungula kwaloko, loko kutava ku vile ku lerisa ko sungula ka Xikwembu ku tisa gandzelo ekerekeli, na le tempeleni na le altarini, na ku humesa tinyiko ta n’wina, nakona—nakona ri ri ra swidyoho swa n’wina, gandzelo ra xinyimpfana. Kunene, ndzi nga ha swi anakanya hi ku vona boti un’wana wa Muyuda a ta hi patu, a ri karhi a switiva leswaku u na nandzu, nakona a ya ealtaren; kumbe a tisa havi yo nona kumbe nkuzi, kumbe swin’wana leswi a nga vaka na swona, kumbe nyimpfu ya xinuna, xinyimpfana, swin’wana. U xi tisa hi patu ntsena hi ku tshembheka tani hilaha a nga kotaka hakona, a famba a ya lahaya, a ri karhi a hlayisa ku lerisa ka Xikwembu ntsena hi ku tshembheka hilaha a nga kotaka hakona.

<sup>31</sup> Kutani u xi tlhandlekile mavoko, a tivula swidyoho swa yena, nakona muprista a swi vekela leswi (swidyoho swa yena) ehenhla ka xinyimpfana, kutani nkolo wa xinyimpfana wu tsemiwa, nakona—nakona xi fa ematshan’wini ya yena. Tani hiloko xi pavalarile kwalahaya, xinyimpfana lexintsongo xi raharaha xi tlhela xi huma ngati, mavoko ya yena ya va ya tele hi ngati, nakona yi ri karhi yi haxa hinkwako eka yena, (xinyimpfana lexintsongo xi hlala, xi fa), u ta swi lemuka leswaku u dyohile nakona xin’wana xi boheka ku fa emantshan’wini ya yena. Kutani, a nyikela rifu leri ra xinyimpfana ku pfala rifu ra yena. Wa vona, xinyimpfana xi fele endhawini ya yena. Kutani wanuna a swi endla hi ku tshembheka, hi ku enta ka mbilu ya yena.

<sup>32</sup> Ekuheteleleni, nakambe na nakambe swi fambile nakambe, nakambe na nakambe a swi tshamela ro fambisa xisweswo ku fikela laha swi vaka ndzhavuko. Ku lerisa ka Xikwembu kuva ndzhavuko eka vanhu. Kutani hi loyi a taka, “Kunene, a hi voneni, loyi u *swingere-ngere* namuntlha, kumbexani swa antswa ndzi rhelela ehansi. Ina, swa antswa ndzi nyikela e—e nkuzi.” U rhelerile, “Kunene, Hosi, hi leyi nkuzi ya mina.” Wa

vona, ku hava ku tshembheka eka yona, ku hava na ku twisia eka yona.

<sup>33</sup> Sweswi, a hi lavi ku teka xilalelo kukotisa sweswo. Sweswo swa fana ni leswi swi ngava tano etafuleni ra Hosi.

<sup>34</sup> Esaya 35... Ee, ndzi khomeleni. Esaya 60... Mi nge ndzi yi teka yaleyo endzhaku. Ndzi—ndzi—ndzi pfumela leswaku i Esaya 28, hilaha hi swi kumaka leswi. Ndzi na ntiyiso lowu hetisekeke leswaku hi yona kuavanyisa loku. Xi teri, “Hikuva i nawu ehenhla ka nawu; ni ku lerisa ehenhla ka ku lerisa ehenhla ka ku lerisa; mhaka yin’wana sweswi, ni mhaka yin’wana endzhaku. Khomelelani eka leswi swi nga kahle. Hilaha Ndzi nga ta vulavula na tiko leri hi vanhu va manghanghamela ni vanhu lava dyondzisaka hi ririmini rimbe. Nakona loku i ku Wisa.”

<sup>35</sup> U teri, “Matafula hinkwawo ya Hosi ya tatiwile hi manhlata. Ndzi ta dyondzisa mani Dyondzo? I mani loyi Ndzi nga ta n’wi endla leswaku a twisia?” Wa vona? Ndzi ehleketa leswaku yalawa i Matsalwa ya kahle, Esaya 28. “I mani loyi Ndzi nga ta n’wi endla leswaku a twisia Dyondzo?” Wa vona, “matafula.”

<sup>36</sup> Sweswi, hi kuma leswaku namunthla nchumu lowu hi tilulamiselaka ku wu endla vusiku lebyi, hi ku tsundzuka rifu ra Yena na Miri wa Yena lowu hi pfumelaka leswaku hi wu dya masiku hinkwawo, kumbe, ha ha ku heta ku dya tani hilaha boti wa hina a hi chumayeleleke. Ku teka Rito ra Xikwembu, ha Ri pfumela hi timbilu ta hina hinkwato. Ha Ri vona ri vonakarisiwa; ha ri vona Ri nyikiwa eka hina; ha Ri vona ri tiyisisiwa; ha Ri twa eku hanyeni ka hina. Nakona hi fanele kuta eka swona hi ri na ripfalo lero enta ra leswi hi swi endlaka, kungari ntsena-ntsena kuva kuri xileriso.

<sup>37</sup> Mi ya ekerekeni, nakona minkarhi yo tala va nyika makhekhe ya soda cracker kumbe man’wana ya—ya muxaka wa swin’wana, va ma phema, na xinkwa xo vevuka kumbe—kumbe swin’wana, kutani—kutani va xi phema; na vanhu lava va dzahaku, va nwaka, na hinkwaswo, hikuva va ri swirho swa kereke vata va ta teka xilalelo xa Hosi. Kunene, sweswo i thyaka emahlweni ka Xikwembu!

<sup>38</sup> Hambi kuri gandzelo, a ku, “Masiku ya n’wina yo kwetsima na magandzelo ya n’wina ya nun’hwa enhompfini ya Mina.” Hambi swi ri tano Xi ma hlawurile ku endlela gandzelo lero. Kambe hi ndlela leyi va makhomisaka xiswona, ya hundzuka ku nun’hwa, ya hun’hweta nhompfu ya Xona (tinhompfu ta Xona), gandzelo rona leri Xi nga ri hlawula.

<sup>39</sup> Yaleylo hi yona ndlela leyi hi tekaka Rito ra Xikwembu hakona, Vakreste votala namunthla (lava tivitanisaka xisweswo) va swi endla sweswo. Ha yima lahawani hi dyondzisa Rito leri, nikul vula leswaku, “Yesu Kreste a hi yena la nga tolo, namunthla, ni hilaha ku nga heriki,” ni ku dyondzisa swilo leswi Xi nga hi dyondzisa leswaku Xi ta swi xixima, ni ku vula

leswaku, "Oho, kunene, sweswo a swi ri swa swin'wana," ku dzunisa ka hina loku ku pfuxaka xichavo ntsena ku hetelela kuva ku nunhwa eka nhompfu ya Xona. Xi ngaka xi nga ku amukeli, hi ndlela yihi kumbe yihi. Hi xona xivangelo xexo, hi mahanyelo ya hina ya ndzhavuko!

<sup>40</sup> A mi teki xilalelo xa Hosi hi ndzhavuko. Ma xi teka hikuva kuri rirhandzu ra Xikwembu endzeni ka timbilu ta n'wina, hi ku hlayisa milawu ya Xikwembu. Wa vona, sweswo hi leswi mi xi tekelaka swona.

<sup>41</sup> Swingaleswi loko mi nga xi teki hi ku tshembheka, ntsena xiva xi ri ndzhavuko, "Kunene, kereke ya hina yi dya xilalelo kan'we hi Sonto, kumbe kan'we hi n'hweti, kumbe ka mbirhi hi lembe," kutani mi famba mi ya ku, mi ku, "Kunene, i nkarhi wa mina," nakona—nakona mi teka xilalelo, hikokwalaho ka yini, i ku nun'hwa eka Xikwembu! Wa vona, sweswo kova ndzhavuko ntsena.

<sup>42</sup> Hambi kukotisa swin'wana na swin'wana, u—u fanele ku tshembheka. Xikwembu xi lava ku enta ka mbilu ya wena. Ma swi tsundzuka, Xikwembu xona xexiya xi nga mi tisa lahawani emisaveni hi Xona lexi mi xi tirhelaka. Wa vona?

<sup>43</sup> Mi endla leswi hikuva Xi vule tano, hikuva kuri xileriso xa Xona. Kutani hi lava ku ta na ku enta ka ku tshembheka, hi ri karhi hi switiva hi tintswalo ta Xikwembu leswaku i khale hi ponisiwile. Nakona ha—ha Xi rhandza hi tlhela hi twa Vukona bya Xona, nakona ha—ha Byi vona byi ncincia vutomi bya hina. Vu—vu hina hinkwabyo byi ncincile. Hi—hi—hi vanhu lava hambaneke. A hi hanyi tani hilaha hi nga toloverisa xiswona, a hi ehleketa kukotisa hilaha a hi toloverise xiswona.

<sup>44</sup> Tani hi le Bukwini lahawani, na xindhawani lahaya lexi a hi vulavula hi—hi Tibuku timbirhi kuva tiva Yin'we, Buku ya Vutomi. Buku yo sungula ya vutomi yi tile, hiloko n'wina mi tswariwa, yaleyo i ya ku tswariwa ka n'wina ka ntumbuluko. Wa vona? Kambe kwalaho nkarhi wun'wana, endzhaku kwalahaya, a kuri na ndoho yintsongo ya Vutomi tani hilaha a ndzi ri eku hlamuseleni eka vasesi van'wana lavantsongo endlwini ndzhengha lowu. Wa vona, kuna ndoho yintsongo ya Vutomi leyi nga pavalaala kwalahaya, leyi mi tivutisaka, "Xana Yi ta yi huma kwih? I—i swilo swa njhani leswi swo chavissa?"

<sup>45</sup> A ndzi vula leswi, ndzi ti vulavulela hi ndzexe, kukotisa loko u ya vula leswaku, "William Branham, kunene, mune wa makume wa malembe lawa ya nga hundza, yena William Branham, a nga hari yena vusiku bya namunlha." Loko un'wana endzhaku lahaya a ngaku, "William Branham, a ri xikelema xikulukumba," wa vona, hikuva ndzi tswariwile hi Charles na Ella Branham. Eka ntumbuluko wa vona a ndzi ri mudyohi, ndzi tile emisaveni, ndzi ri muhembí, na mahanyelo hinkwawo ya misava ya pavalarile endzeni ka mina. Kambe ehansi lahaya,

nakona, a kuri na Ntumbuluko wun'wana wu nga kona, wa vona, lowu hlawuleriweke emahlweni, a wuri kona ha Xikwembu. Eka wona miri walowu, wa vona, mi ntumbuluko mimbirhi leyi nga kwalahaya.

<sup>46</sup> Kunene, ntsena ndzi lo hlayisa wun'we. Tani hiloko wu kula, ndzi bokoxerile tani hi n'wana, "Da-da." Xo sungula mi xi tivaka, ndzi vile muhembi, ndzi va hinkwaswo leswi swi nga eka mudyohi, hikuva ndzi kule hi ndlela yaleyo. Kambe ehansi lahaya akuri na xivalana xa Vutomi nkarhi hinkwawo.

<sup>47</sup> A ndzi tshamela ro tsundzuka, tani hi xijahetani... (Ndzi pfumela leswaku a ndzi mi khomeleti ngopfu. Kambe hi ku tiva...) A ndzi tshamile e...e—ribuweni ra xinambyana, nakona a ndzi ta tshama kwalahaya ndzi languta hinkwako hi nkarhi wa na vusiku. Papa na mhani, va fambile sweswi kuya eku wiseni ka vona. Nakona emasikwini ya vona a vari vadyohi, a kuri hava Vukreste emakaya ya hina na swintsongo. Nakona, oho, mina, ku nwa, na mintlangu, na kuya emahlweni; swi ndzi hlambise timbilu, a ndzi ta teka rivoni ra—ra mina na mbyana ya mina ndzi ya enhoveni, kuya tshama vusiku hinkwabyo. Hi vuxika ndzi ta hlota kukondza ntlangu wu hela, kumbe hi matakuxa. Ndzi vuya ekaya, swi nga helanga, ndzi nga badama ehenhla ka dladla ndzi etlela, ndzi rindzela leswaku rixa.

<sup>48</sup> Nakona a ndzi ta ehleketa hilaha minkarhi yaleyo, kuva ndzi humile ndzi ri kwalahaya hi ximumu, ndzi tikumela tinhonga ta mina ndzi ti veka ehansi leswaku ti pfala nyana moyo, laha loko yi nga na; ndzi pavalarile kwalahaya ni kuva na timhandzi ti nga yima ematini, ndzi njovela; mbyana ya mina ya ximakwa yi badamile lahaya. A ndzi ta ku, "Languta lahwani. Wa switiva, vuxika lebyi nga hundza a ndzi khempile kona kwala vusiku byin'wana, ndzi tshiverile ndzilo kwalahawani loko ndza ha rindzerile mbyana ya mina ya kahle lahwani ensinyeni, nakona ndzi ri na ndzilo kwalahawani. A ku gwitsirile ti inci ta ntlhanu hi ku enta endzeni ka misava. Kambe, xiluva xintsongo, xana u ta u huma kwihi?" Wa vona? "Kunene, nakona u ta u huma kwihi? I mani a nga ta lahwani a ta ku byala? Nakona hi yihi yindlu yo hisa leyi va nga ku humesa eka yona? Kumbe—kumbe yona ke, xana u ta u huma kwihi?" Wa vona? Xiluva xexo xintsongo, ndzi ngaku, "Hikokwalaho ka yini, ku gwitsirile, na hinkwaswo, nakona ndzi tshivela ndzilo ehenhla lahwani. Etlhelo ka elemente leyi nga gwitsila, a kuri na elemente yo hisa yi pavalarile lahwani eka ntsandza lowukulu wa khale laha ndzi nga ku hisa kona. Nakona hambi swi ri tano hi wena loyi, nakona wa hanya. Xana u ta u huma kwihi?"

<sup>49</sup> Xana a kuri yini? A kuri na William Branham un'wana. Wa vona? Xindhawani xintsongo xa Vutomi lebyi nga Heriki ehansi lahaya, kusuka eka—eka—eka tijini ta Xikwembu, ti nga Rito ra Xikwembu leri nga vekiwa kwalahaya endzeni. Un'wana na

un'wana wa n'wina mi nga ha ehleketa hi leswi swi fanaka. Wa vona, Ri le ku tirheni.

<sup>50</sup> Kutani ndzi languta ehenhla eka minsinya, nakona ndza ehleketa, "Tluka, ndzi ku vonile u dzudzeka haxawa, nakona hikokwalaho ka yini u tlhelerile lahaya nakambe? U ta u huma kwihi? Xana i ncini lexi xi ku tiseke lahawani?" Wa vona, hi Byona Vutomi lebyi nga Heriki byi tirhaka eka miri.

<sup>51</sup> Sweswi, kutani siku rin'wana tani hiloko ndzi famba, Rito lero ri vulavula ri ku, "U nga tshuki u dzaha, ku nwa, na kuya emahlweni." Nakona vanakulorhi lavantsongo na hinkwavo va kurile. Wa vona, a kuri na Swin'wana swi famba-fambaka.

<sup>52</sup> Kambe hambi swi ri tano xikan'we-kan'we ndzi langutile ehenhla, kutani ndzi ku, "A ndzi n'wana wa Charles na Ella Branham. Ku na Swin'wana swi vitanaka." Tani hi xigamana xa mina, "A ndzi huku. Ku na Swin'wana ehenhla halahayani, kun'wana. O Yehovha Lonkulu, U ngava u ri Mani, pfula! Ndzi lava ku ta ekaya. Ku na Swin'wana endzeni ka mina, swi vitanaka."

<sup>53</sup> Kutani ndzi tswariwile ravumbirhi. Vutomi byebyo byi ntsongo byi pavalarile lahaya, vutomi bya mati byi cheriwile ehenhla ka Byona, kutani Byi sungula ku kula. Sweswi, vutomi byebyo bya khale byi rivaleriwile, byi hoxiwa eka lwandle ro rivalela ra Xikwembu, leswaku byi nga ha ehleketiwi ku lwisana na mina nakambe. Wa vona? Sweswi hi tshama hi lulamisiwile (tani hiloko hi nga se tshama hi dyoha) eVukoneni bya Xikwembu.

<sup>54</sup> Kutani loko hi ta etafuleni ra Hosi, hi fanele hi ta hi xichavo, rirhandzu na ku xixima, ka "Ku languta laha a hi tava hi ri kona loko a kungari Yena." Wa vona? Langutani laha a swi tava swi...

<sup>55</sup> Swingaleswi, Paul, ndza ehleketa, hi ku vula leswi, "Hikokwalaho, loko mi hlengeletana ku ta ekudyeni, yimelanani." Sweswo swi vula leswaku, hi marito man'wana, ntsena yimani nyana timinetse tintsongo, mi khongela, mi ti kambisisa. Kutani loko mi tiva makwenu loyi a nga kona, ntsena loyi a lavaka ku endla swin'wana leswi nga hoxeka, kumbe swin'wana, nakona ma n'wi khongeleta, na yena. Wa vona? Wa vona, "yimelanani," yimani nyana xinkadyana, mi khongela. Loko kuri na matitwele man'wana exikarhi ka wena kumbe swin'wana, u nga—u nga swi endli—u nga swi endli, famba u ya swi lulamisa, ku sungula. Wa vona? Famba u ya swi lulamisa sweswo, ku sungula, hikuva hi lava ku ta lahawani ntsena hi tengile tani hilaha hi nga kotaka hakona, na miehleketo un'wana eka un'wana na le ka Xikwembu, na le ka un'wana na un'wana, kutani hiloko hi ta eka xinakulobye ku rhendzela hi tafula ra Hosi. Wa vona?

<sup>56</sup> Nakona hi endla leswi hikuva hi le ku nyikeni ka ku khensa eka Yona, na le xikarhi ka un'wana eka un'wana. Hi dya xinkwa exikarhi ka un'wana eka un'wana, hi nwa vhinyo exikarhi ka un'wana eka un'wana, tani hi Ngati ya Yena na Nyama ya Yena.

<sup>57</sup> “Handle kaloko mi nga dya Nyama ya N’wana wa munhu niku nwa Ngati ya Yena, a mina Vutomi eka n’wina.” Wa vona? Ma swi vona, sweswo hi leswi Bibele yi nga swivula. Handle kaloko mi swi endla, a kuna Vutomi. Ma swivona? Mi xisweswo, hi xitalo kumbe swintsongo, mi ti kombisa leswaku mi na tingana kuva mi ti xakahata n’wina hi n’wexe tani hi Mukreste, hikokwalaho ka yutomi lebyi mi byi hanyaka. Nakona leswi hakunene i nkombiso. Kutani loko mi nga swi endli, a mi na Vutomi. Loko mi swi endla mi swi endla mi nga lulamelanga, mi na nandzu eka Ngati ya miri wa Hosi.

<sup>58</sup> Swa fana nale ka nkhuvulo wa mati. Loko hi ku, “Hi pfumela eka Yesu Kreste, U hi ponisile evudyohweni, nakona hi khuvuriwa eVitweni ra Yesu Kreste,” hikokwalaho ka yini, hi tisa—hi tisa tingana eka Yena, hi endla swilo leswi swi nga hoxeka nakona hi—hi ta fanela ku swi riha sweswo. Nakona xin’wana, loko hi swi endla sweswo, hi le ku ringetenka ku vula swin’wana hi ri karhi hi endla swin’wana.

<sup>59</sup> Hi rona khombo leri hi nga na rona namuntlha. Leswi ndzi swi ehleketa... Ndzi vula “hina,” mina, na kereke leyi Hosi Xikwembu xi nga ndzi pfumelela ku vulavula na yona eka tiawara leti to hetelela, leti hi pfumelaka leswaku hi le ka nkarhi lowu wu pfalaka. Hi pfumela leswaku Xikwembu xi hi nyikile Hungu. Ri hlawuriwile hi Xikwembu, Ri kombisisiwa hi Xikwembu, Ri kombisiwa hi Xikwembu. Sweswi ha boheka ku ta eka Xona hi xichavo na rirhandzu, na—na ku tengka mbilu na miehleketo na moyo.

<sup>60</sup> Ma swi tiva, awara ku ngari khale yi ta pfuka loko—loko lava ku nga vanene exikarhi ka hina va nga ta... Moya lowo Kwetsima wu ta vulavula kukotisa hilaha Wu swi endleke eka Ananiya na Safira. Tsundzukani, wa vona, awara yi le ku fiken. Wa vona? Nakona hi le... Sweswi, ntsena mi swi tsundzuka sweswo, wa vona, Xikwembu xexo xi ta ya tshama exikarhini ka vanhu va Xona. Sweswo hi leswi Xi lavaka ku swi endla sweswi.

<sup>61</sup> Hi nga ha amukela Hungu, tani hiloko ndzi ku... Loko a ndza ha ri jaha na—na ku hlotana na nsati, nakona ndzi n’wi kuma nsati, ndzi ku, “Ntsena u kahle. U Mukreste. U manana. U hinkwaswo leswi, ndzi na vutitshemphi.” A swi khathaleki leswaku ndzi na ku titshembha ku fika kwih, ndzi ehleketa kangani leswaku u kahle, ndzi fanele ku n’wi amukela, u fanela ku ndzi amukela na yena; wa vona, ehenhleni ka ku hlambanya loku.

<sup>62</sup> Kunene, swa fana na leswi hi swi kumaka ku nga Hungu. Ha Ri vona leswaku ri ntiyiso. Hi vona Xikwembu xi Ri tiyisisa

leswaku ri ntiyiso. Ri ntiyiso hi ku hetiseka. Lembe rin'wana na rin'wana, lembe rin'wana na rin'wana, Ri ya emahlweni ri ri kahle, ku ya emahlweni ri ri kahle. Hinkwaswo leswi Ri swi vulaka, swi humelela hilaha Xi nga vurisa xiswona. Sweswi, ha switiva leswaku Ri kahle, kambe, wa vona, u nga swi endli hi ku tirhisa vutlharhi. Loko u swi endla, u na vukhongeri lebyi byi nga xaviwa ra vumbirhi. Wa vona? A hi byi lavi vukhongeri lebyi byi nga xaviwa ra vumbirhi, byin'wana lebyi byi nga tokotiwa hi munhu un'wana nakona hi hanya hi—hi vumbhoni bya vona.

<sup>63</sup> Tani hilaha ndzi pfumelaka leswaku i Yesu a ngeteri eka Pilato, swin'wana, rito leri a ndzi ri ekuri egleketeni, nakona U teri kwallahaya eka swinkadyana leswi swi nga hundza, "I mani a nga ku byela sweswo?" Kumbe, "Swi paluxiwile eka wena? Xana u switiva njhani swilo leswi?" hi marito man'wana. A ndzi switivi ntsena leswi rito ri nga xiswona sweswi, i khale ndzi ri hlayile, kambe, "U switiva njhani—u switiva njhani leswi? Yini? Njhani? I mani a ku paluxeleke leswi?" Mayelana na kuva Yena a ri N'wana wa Xikwembu. "I mani a nga ku paluxela swona? Xana kungava kuri na munhu un'wana loyi a nga ku byela sweswo? Kumbe," tani hi Yesu a ngeteri, "i Tatana wa Mina loyi a nga Tilweni a nga ku paluxela swona?" Wa vona? Wa vona? "U swi dyondzise ku yini, hi leswi xaviweke ra vumbirhi kumbe i nhlavutelo lowu wu hetisekeke lowu wu humaka eka Xikwembu?"

<sup>64</sup> Xana xilalelo lexi xi ngava xi ri swin'wana leswi ndzi nga tiyelaka, xileriso, xi ri "Kunene, hinkwavo ka vona va xi teka lexi, na mina ndzi endla tano"? I nhlavutelo lowu wu nge ndzi xiave xa Yena nakona ndzi xiave xa n'wina, nakona ndza mi rhandza nakona na Yena ndza n'wi rhandza, nakona leswi hi swi teka swin'we tani hi xikombiso xa rirhandzu ra hina eka Xikwembu, na rirhandzu ra hina na xinakulobye eka un'wana.

<sup>65</sup> Sweswi ndzi lava ku hlaya swin'wana leswi humaka eMatsalweni. Nakona ndza bvumbha...Hikwihi laha n'wina... Hambi yi ngava yihi ndlela leyi Makwerhu Pearry a yi tsakelaka namuntha. Ndzi tsakela kuva mi swi hlaya na mina, loko mi ri na tona Tibibele ta n'wina. Vakorinto vo Sungula, ku—ku kuavanyisa ka vu11, hi sungula hi vhese ya vu23.

<sup>66</sup> Nakona nakambe, eka tabernakele ya hina, minkarhi hinkwayo ha swi endla leswi na ku hlambisana minkondzo, minkarhi hinkwayo, hikuva swi fambisana kun'we. Ndzi pfumela leswaku boti u tivisile leswaku "vusiku bya Ravunharhu" hikokwalaho ka mintshungu nakona a mi na ndhawu...leyi eneleke leswaku mi kuma vanhu kuta va ta hlambisana minkondzo, va taya va ya swi endla—va ya swi endla leswi hi vusiku bya Ravunharhu.

<sup>67</sup> Sweswi, vhese ya vu23 ya kuavanyisa ka vu11 eka Vakorinto vo Sungula, yingiselani Paul sweswi. Sweswi tsundzukani, mi hlayisa leswi emiehlekeweni, Vagalatiya 1:8, "Loko kuri hina

kumbe ntsumi leyi yi humaka etilweni yi fika yi chumayela evhangeli yin'wana eka n'wina," (kungari Evhangeli leyi yena a yi chumayelege) "a yi rhukaniwi." Wa vona?

*Hikuva na mina ndzi amukerile eka Hosi leswi ndzi mi byeleke swona, Leswaku Hosi Yesu hi vusiku lebyi a xengiweke ha byona u teke xinkwa:*

*Kute loko a khensile, a phema, . . . a ku, Tekani mi dya: hi wona miri wa nga, lowu phemereweke n'wina: endlisani sweswo mi ndzi anakanya ha swona.*

<sup>68</sup> Sweswi, mi nge ndzi yima kwala, ku vula leswaku: kambe ku teka miri wa Hosi Yesu Kreste eka xilalelo lexi, a swivuli leswaku xilalelo lexi i miri wa *xidzi* wa Kreste. Sweswo i Xikhatholiki. A ndzi pfumeli leswaku sweswo hi swona. Ndzi pfumela leswaku i ku lerisa loku Xikwembu xi nga ku endla na hina, wa vona, kahle-kahle a hi miri. I... Sweswi, kova ntsena xiphemu xa xinkwa xo ke comela. Kova ntsena xileriso.

<sup>69</sup> Nakona a ndzi pfumeli leswaku nkhuvulo wa Yesu Kreste (hi Vito ra Yesu Kreste) ematini wa rivalela swidyoho swa n'wina. A ndzi pfumeli leswaku n'wina . . . Ndzi pfumela leswaku mi nga khuvuriwa dyambu hinkwaro . . . Sweswi, ndza switiva leswaku kumbexani ku ngava na vanhu lava va nga tshama lahwani lava va humaka eka kereke ya Apostolo, ndzi vula leswaku, kumbe kereke ya United Pentecostal, laha va swi dyondzisaka sweswo. Kambe, ma swi vona, a—a ndzi pfumeli leswaku mati ya rivalela swidyoho. Kumbe, loko swi ri swona, swivula leswaku Yesu u fele swa hava. Wa vona? Ndzi pfumela leswaku kova ntsena ku lerisa ka Xikwembu, wa vona, ku kombisa leswaku mi rivaleriwile. Kambe ku khuvuriwa leswaku mi sungurisa kambe, ee, a—a—a ndzi pfumeli sweswo. A ndzi pfumeli leswaku mati ya rivalela swidyoho.

<sup>70</sup> Nakona a ndzi pfumeli leswaku xinkwa lexi na wayeni swi ngava swi ri na swin'wana swi nga swi endlaka na n'wina, kova ntsena ku hlayisa ku lerisa loku Xikwembu xi nga hi hlawulela ku swi endla. Wa vona? Hi swona sweswo. Ndzi pfumela leswaku swa fana na nkhuvulo wa mati. Ndzi pfumela leswaku swi hi sindzisa ku swi endla, leswaku U swi endlile leswaku swi va xikombiso xa hina. Nakona U endle leswi leswaku xi va xikombiso xa hina. Nakona U hlambisile minkondzo leswaku kuva xikombiso xa hina.

<sup>71</sup> Sweswi, "Endzhaku ka maendlelo man'we nakambe," vhese ya vu25:

*Hi mukhuva wolowo a teka xinwelo, loko va lalerile, a ku, Xinwelo lexi i ntwanano lowuntshwa engatini ya mina: endlisani sweswo, hi masiku hinkwawo loko mi nwa, mi ta ndzi anakanya ha swona.*

*Hi masiku . . . (Tsundzukani sweswi!) . . . Hi masiku hinkwawo loko mi dya xinkwa lexi, ni loko mi nwela*

*xinweleni lexi, mi tava mi vula rifu ra Hosi a kondza a fika.* (Ku fikela rini? “Ku kondza Yi vuya!” Wa vona? Wa vona?)

*Hikokwalaho ke mani na mani la dyaka xinkwa lexi, kumbe la nwelaka xinwelweni xa Hosi, hi mukhuva lowu nga faneriki, u tava ni nandzu wa miri ni wa ngati ya Hosi.*

<sup>72</sup> Mi nge ndzi yima nyana. Xivangelo xa kuva a vule leswi, mi swi lemukile eka vheze yin’wana lahaywani, kuavanyisa kun’wana, leswaku u teri, “Ndza swi twisisa loko mi—loko mi hlangana kun’we mi dya, hambi kuri ku pyropyiwa etafuleni ra Hosi.” A va xi twisisanga, ma swi vona. Ntsena va vile na makolo eka xona, wa vona. Ntsena ku kotisa hilaha vanhu va swi endlaka namuntha, ntsena vo hanya muxaka wun’wana na wun’wana wa vutomi va tlhela va xi teka. Wa vona? U teri, “Mi na makaya yo dyela kona, wa vona. Kambe, lexi xo va xileriso lexi hi fanelaka ku xi hlayisa, wa vona.” Sweswi:

*Munhu un’wana na un’wana a tikambele hakona, kuva kona a nga ta dya xinkwa lexi, a nwela xinwelweni lexi.*

*Hikuva la dyaka ni la nwaka hi mukhuva lowu nga faneriki, wa dya ni kunwa ku avanyisiwa ka yena, hikuva a nga tsundzukanga miri wa Hosi.* (Wa vona?)

<sup>73</sup> U mani xana? U Mukreste, u hanya emahlweni ka mani na mani tani hi Mukreste. Nakona loko u xi teka xexo nakona u nga hanyi tani hi Mukreste, a wu le ku kambisisen ka Miri wa Hosi. U le ku vekeleni ka ribyi leri khugulaka endleleni ya un’wana, wa vona, tani hiloko va ku vona u swi endla sweswo nakona u nga hanyi leswi a wu fanele u swi hanya. Wa vona, a wu kambisisi Miri wa Hosi. Sweswi langutisani leswi xi...leswi ndzhukano wa kona ku nga wona:

*Hikwalaho ku nga ni lavo tala lava nga tsakiki emirini ni lava va vabyaka exikarhi ka n’wina, van’wana kambe va ettele.* (Hundzuluxo wa kahle wa rito lero, Makwerhu Pearry, i ku “va file.” Wa vona? Wa vona, “votala va file.”)

*Hikuva loko—hikuva loko ngi ha ti avanyisa, a hi nga ta avanyisiwa.* (Wa vona, loko hi tiavanyisa hi ngaka hi nga avanyisiwi. Wa vona?)

*Kambe loko hi avanyisiwa, hi layiwa hi Hosi, leswaku hi nga tshuki hi biwa kun’we na misava.* (Wa vona, kungari leswaku un’wana na un’wana a ti hlanganisa na misava.)

*Loko swi ri tano, vamakwerhu, loko mi hlengeletana ku dya, yimelanani.* (Wa vona?)

*Kutaku loko un’wana a ri ni ndlala, a dye kaya; mi nga ta tshuka mi hlengeletelana eku avanyisiweni.* Loko tiri

*tin'wana tona ndzi ta ti lunghisa loko ndzi fikile.* (Wa vona?)

<sup>74</sup> Sweswi, hi marito man'wana, mi nga ti ntsena kuta xi teka tani hi... Tani hilaha ndzi vuleke nkarhi lowu nga hundza, hi leswi Mayuda, gandzelo ra vona, vona... A ri sasekile, ri nyikiwile hi Xikwembu, kambe ri kumekile endhawini laha a va nga ha ri endli hi ku tshembheka na xichavo na hi oda, kutani ntsena ri vile... ri vile ku—ku nunhwa enhompfini ya Xona.

<sup>75</sup> Sweswi, nchumu lowu wu fanaka i kuva hi ta hi ta teka xilalelo xa Hosi, leswaku, hi boheka ku ta hi ri karhi hi tiva leswi hi swi endlaka. Ntsena kukotisa loko mi ya ematini mi ya khuvuriwa hi Vito ra Yesu Kreste, mi tiva leswi mi swi endlaka, mi le ku vekeni ehenhla ka kereke leswi Xikwembu xi nga mi nghenisa swona, Kreste.

<sup>76</sup> Loko hi teka leswi, swa kombisa eka kereke, leswaku, "Ndzi pfumela Rito rin'wana na rin'wana ra Xikwembu. Ndzi pfumela leswaku hi Xona Vuswa bya Vutomi lebyi byi humaka eka Xikwembu lexi humaka eTilweni. Ndzi pfumela Rito rin'wana na rin'wana leri Xi ri vulaka leswaku ri Ntiyiso. Nakona ndzi hanya ha Rona, eka ku tiva ka mina ko antswa, Xikwembu xi ri Muavanyisi wa mina. Swingaleswi, emahlweni ka vaboti va mina, emahlweni ka vasesi va mina... A—a ndzi hlambanyi, a ndzi rhukani, a ndzi swi endlili swilo leswi, hikuva ndzi rhandza Hosi, nakona Hosi ya switiva nakona yi hlayisile vumbhoni byi mina. Swingaleswi, emahlweni ka n'wina, ndzi teka phasele ra miri wa Yona, hi ku tiva leswaku a ndzi avanyisiwanga na misava." Wa vona, kwalaho mi nga kona, kutani i mikateko.

<sup>77</sup> Nakona, tsundzukani, ndzi nga ha nyika vumbhoni byo tala eka leswi, laha ndzi nga byi teka kona byebyo ni ku byi hlamusela eka kamara ra vavabyi, ni kuva vona va hanyisiwa.

<sup>78</sup> Tsundzukani, loko Israel ri tava ri tekile muxaka wo kotisa lowu, va fambile mune wa makume wa malembe emananga nakona swiambalo swa vona swi nga hlakali, nakona va humile kuri hava loyi—loyi a tsaneke exikarhi xa vona, kuri mamiliyonni mambirhi ya vanhu tani hi xifananiso xa leswi. Kunene, xana lexi xi ngariki Xifananiso xi ta endla yini? Loko miri wa gandzelo ra xiharhi ri va endlerile sweswo, xana Miri wa Yesu Kreste wona ke, Emmanuel, wu nga hi endlela yini? Ntsena a hi veni na xichavo loko hi ta. Ntsena a hi veni na xichavo tani hilaha hi switivisaka xiswona leswaku, hi tisa ku yini.



*XILALELO* TSO65-1212  
(Communion)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni madyambu, N'wendzamhala 12, 1965, eTucson Tabernacle in Tucson, Arizona, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)